

**CYFARFOD COMISIWN FFINIAU LLYWODRAETH LEOL I GYMRU A  
GYNHALIWYD AR 11 RHAGFYR 2006 YN NHŶ CARADOG, CAERDYDD**

Comisiynwyr

Mrs S G Smith (Cadeirydd)  
Mr J E Davies (Dirprwy Gadeirydd)  
Mr D H Roberts (Aelod)

Ysgrifenyddiaeth

Mr E H Lewis (Ysgrifennydd)  
Mr S R Halsall  
Mr D Carr

**1. DATGANIAD BUDDIANNAU**

1.1 Ni ddatganwyd unrhyw fuddiannau newydd. Dywedodd y Cadeirydd iddi ymddiswyddo o'i swydd fel cyfarwyddwr Bwrdd Cyllid Esgobaeth Llandaf. **Cytunwyd** i gynnwys y newid hwn yn y Gofrestr Buddiannau a gyhoeddwyd pan benodid yr Aelod newydd.

**2. COFNODION CYFARFOD Y COMISIWN A GYNHALIWYD AR 8 TACHWEDD  
2006**

2.1 Cytunwyd â'r rhain yn amodol ar wnaed mân newidiadau.

**3. MATERION YN CODI**

**3.1 Materion Merlin**

3.1.1 Dywedodd yr Ysgrifenyddiaeth y byddai cyfarfod pellach ag adran Datblygu Busnes a TGCh y Cynulliad Cenedlaethol ar 12 Rhagfyr 2006.

**3.2 Penodi Comisiynwr**

3.2.1 Dywedodd yr Ysgrifennydd nad oedd y Gweinidog wedi anfon llythyr penodi am ei bod hi'n dal i ddisgwyl cytundeb nifer o Aelodau'r Cynulliad sy'n gyfrifol am archwilio penodiadau. Mynegodd y Comisiwn bryder nad oedd y Cynulliad Cenedlaethol wedi cadarnhau penodiad yr Aelod newydd eto gan fod y Dirprwy Gadeirydd i fod i ymddiswyddo ar 31 Rhagfyr 2006. Gallai hyn adael y Comisiwn â dau aelod yn unig am gyfnod byr, a gallai hyn beri rhai trafferthion. **Cytunwyd** y byddai'r Ysgrifennydd yn cysylltu â'r Cynulliad Cenedlaethol i edrych ar y posibilrwydd o estyn penodiad y Dirprwy Gadeirydd presennol i gynnwys unrhyw gyfnod yn y Flwyddyn Newydd lle byddai'r Comisiwn, fel arall, â dau aelod yn unig.

**3.3 Arolygon Cymunedol**

3.3.1 Rhoddodd yr Ysgrifennydd ar wybod fod Un Llais i Gymru (ULIG) wedi gwneud cais i'r Comisiwn wneud cyflwyniad ar gynnal arolygon cymunedol i gyfarfod Pwyllgor Ardal Ynys Môn a gynhaliwyd ar 7 Rhagfyr 2006. Cytunodd y Comisiwn i fynd, a'r Comisiynydd Dennis Roberts a wnaeth y cyflwyniad. Roedd derbyniad da i'r cyflwyniad, ac roedd wedi symbylu llawer o drafod ymhlith aelodau'r Pwyllgor. Roedd ULIG wedi gofyn hefyd i'r Comisiwn wneud cyflwyniad tebyg o'u Cynigion Drafft ar gyfer arolwg cymunedol Ynys Môn mewn cyfarfod o Bwyllgor Ardal Ynys Môn yn y dyfodol. **Cytunwyd** y byddai'r Comisiwn yn aros nes iddo gael ac ystyried pob cyflwyniad, cyn penderfynu a fyddai cyflwyniad pellach yn fuddiol. **Cytunwyd** y byddai'r Ysgrifennydd

yn cysylltu ag ULIG ac yn awgrymu y gellid gwneud cyflwyniadau tebyg i Bwyllgorau Ardal eraill mewn ardaloedd awdurdod lleol lle'r oedd y Comisiwn yn cynnal arolygon cymunedol.

- 3.3.2 Dywedodd yr Ysgrifennydd fod arolwg Cymuned Rhondda Cynon Taf wedi dechrau erbyn hyn a bod y llythyrau cychwynnol wedi eu dosbarthu. Bu problem, serch hynny, gyda chwyn oddi wrth Glerc Cyngor Cymunedol Llanharan mewn perthynas ag un peth a amgaewyd gyda'r llythyr gwreiddiol. Credai'r Cyngor ei fod yn gamarweiniol ac y dylid ei ddiwygio, a gofynnodd i'r Comisiwn ail-anfon ei lythyrau dosbarthu gwreiddiol. Roedd yr Ysgrifenyddiaeth wedi cysylltu â Chyngor Bwrdeistref Sirol Rhondda Cynon Taf, a oedd wedi dweud nad oedd yr hyn a amgaewyd yn anghywir yn eu golwg hwy, ac yr oeddent wedi cytuno i gysylltu â Chyngor Cymunedol Llanharan ynglŷn â hyn.

#### **4. AROLWG O FFINIAU CYMUNEDOL YM MWRDEISTREF SIROL WRECSAM**

- 4.1 Ystyriodd y Comisiwn Adroddiad y Cynigion Drafft ar gyfer Arolwg Cymunedol Wrecsam ynghyd â'r tablau diweddaraf ar gyfer ffigurau etholiadol. Cytunwyd ar amryw o fân newidiadau yn yr adroddiad. **Cytunwyd** i gyflwyno'r adroddiad Cynigion Drafft i ymgynghorydd cyfreithiol y Comisiwn er mwyn cael ei sylwadau. **Cytunwyd**, petai'r diwygiadau a wnaed yn sgil y cyngor cyfreithiol, yn rhai eilbwys, yna gellid cyfieithu a chyhoeddi'r adroddiad, ond y byddid yn cyfeirio unrhyw newidiadau sylweddol yn sgil y cyngor cyfreithiol yn ôl at yr Aelodau.
- 4.2 **Cytunwyd** y byddai'r Ysgrifennydd yn ceisio cyngor cyfreithiol hefyd ynglŷn â statws y Comisiwn pe byddai dim ond dau Aelod adeg cyhoeddi'r adroddiad.

#### **5. CANLLAWIAU YNGLŷN Â GWEITHREDU'R DDYLETSWYDD FIOAMRYWIAETH AR GYRFF CYHOEDDUS**

- 5.1 Dywedodd yr Ysgrifennydd ei fod wedi mynychu gweithdy a drefnwyd gan y Cynulliad Cenedlaethol ar ddatblygu canllawiau ar weithredu dyletswydd bioamrywiaeth ar gyrff cyhoeddus. Cododd y mater yn sgil cyflwyno Deddf Amgylchedd Naturiol a Chymunedau Gwledig 2006 sy'n gofyn i bob corff cyhoeddus roi sylw i bwrpas diogelu bioamrywiaeth wrth gyflawni eu dyletswyddau. Roedd yr Ysgrifenyddiaeth wedi gofyn barn Ymgynghorydd Cyfreithiol y Comisiwn, a dywedodd ef bod y Ddeddf yn gosod dyletswydd ar y Comisiwn i roi sylw i fioamrywiaeth, ei bod yn rhaid i fuddiannau llywodraeth leol effeithiol a chyfleus gael blaenoriaeth gan y byddai gadael i fioamrywiaeth ddylanwadu yn anghyson â swyddogaethau statudol y Comisiwn. **Derbyniodd** y Comisiwn y cyngor a gafodd gan ei Ymgynghorydd Cyfreithiol.

#### **6. ADRODDIADAU AM GYNADLEDDAU: CLILC, ULIG A RHAN GYFOES Y CYNGHORWR**

- 6.1 Dywedodd Mr Roberts i Gyfarfod Blynyddol Un Llais Cymru drafod cyfraith, trefn a diogelwch cymunedol yn bennaf. Roedd Gyfarfod Blynyddol Cymdeithas Llywodraeth Leol Cymru wedi trafod amrywiaeth o bynciau gan gynnwys diwygio gwasanaethau cyhoeddus Cymru, arian Strwythuro Ewropeaidd, dyfodol llywodraeth leol a Deddf Llywodraeth Cymru 2006. Cafwyd llawer o wybodaeth yn y ddau gyfarfod. Diolchodd y Cadeirydd i Mr Roberts am fynychu ar ran y Comisiwn.

- 6.2 Dywedodd yr Ysgrifennydd iddo fynychu'r gynhadledd a gynhaliwyd gan CRG Research Ltd. ar Ran Gyfoes y Cynghorwr, lle rhoddwyd llawer o wybodaeth er nad oedd canlyniadau eu hymchwil wedi eu cyhoeddi eto.

## **7. DATGANIADAU RHEOLI A MEMORANDWM ARIANNOL (DRhMA)**

- 7.1 Dywedodd yr Ysgrifennydd nad oedd y DRhMA yn gyflawn eto. Roedd hefyd yn bwriadu codi rhai materion ynglŷn â'i ran fel Swyddog Cyfrifon y Comisiwn gydag Ysgrifennydd Parhaol y Cynulliad Cenedlaethol.

## **8. DATBLYGU DELWEDD GORFFORAETHOL**

- 8.1 **Cytunwyd** y byddai'r Ysgrifenyddiaeth yn mynd yn ei blaen i brynu dau fwrdd arddangos i'w defnyddio mewn cyfarfodydd cyhoeddus, a gofyn hefyd i'r cwmni ddatblygu logo newydd i CFFLILG.

## **9. YMARFER TENDRO AM GONTRACTAU**

- 9.1 Dywedodd yr Ysgrifennydd fod yr ymarfer tendro wedi dechrau erbyn hyn.

## **10. PROSIECT FFINIAU WARDIAU CYMUNEDOL**

- 10.1 Nododd y Comisiwn y sefyllfa ddiweddaraf ynglŷn â'r prosiect mewnol i ddal y ffiniau cymunedol a'r dyddiad cwblhau tebygol. **Cytunwyd** nad oedd angen bellach i drosglwyddo unrhyw ran o'r gwaith hwn i gwmni allanol.

## **11. UNRHYW FATER ARALL**

- 11.1 Dywedodd yr Ysgrifennydd ei fod wedi ymweld ag Ysgrifennydd Comisiwn Ffiniau Gogledd Iwerddon yn Belfast. Roedd hyn wedi cynnwys ymweld ag Arolwg Ordnans Gogledd Iwerddon i edrych ar eu system meddalwedd mapio. Byddai'n trefnu i'r Dirprwy Ysgrifennydd ymweld yn y Flwyddyn nesaf.
- 11.2 Gan mai dyma'r cyfarfod olaf pan fyddai Mr John E. Davies, Dirprwy Gadeirydd y Comisiwn, yn bresennol, rhoddodd Mrs Smith, y Cadeirydd, deyrnged i'r cyfraniad a wnaed ganddo yn ystod ei chwe blynedd gyda'r Comisiwn. Ategodd Mr Dennis Roberts hyn, a dymunodd yr Ysgrifennydd yn dda iddo ar ran y staff.

## **12. DYDDIAD Y CYFARFOD NESAF**

- 12.1 **Cytunwyd** i gynnal y cyfarfod nesaf ddiwedd mis Ionawr, ac y byddai'r Aelodau'n cadarnhau'r dyddiad trwy anfon neges e-bost.